



ՄԱՆԿԱԿԱՆԺԱԿԱՆ ՀԱՄԱԼՍԱՐԱՆ

4 ՀՈՒՆՎԱՐԻ
2025 թ.
№ 1 (1138)

Թերթի առաջին համարը լույս է տեսել 1965 թ. մարտի 11-ին
երկշաբաթաբերթ • հրատարակման 57-րդ տարի

ԽԱՉԱՏՈՒՐ ԱՐՈՎՅԱԼԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱԿԱՆՔԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

«Բանակը ազգի ինքնաճանաչման հայելին է»

«Բանակը ազգի ինքնաճանաչման հայելին է, բոլոր հայերի ծնունդն է, հայության հավաքական կերպարն է, նրա պատասխանատվությունը, նրա պատմության վերագնահատումը և հայացքը ապագային»:

Վազգեն ՍԱՐԳՍՅԱՆ

Հայոց բանակը 33 տարեկան է: Հայոց բանակի ստեղծման հիմքը դարձավ 1992 թվականի հունվարի 28-ի պատմական որոշումը «Հայաստանի Հանրապետության պաշտպանության վերաբերյալ»:

Այդ բանակը բազում փորձություններ հաղթահարեց, նաև հաղթանակներ կերտեց, որոնք, ցավոք, ձեռք բերվեցին նաև բազում հերոսների արյան գնով:

«Բանակի տարին չի սկսվում և չի ավարտվում: Այնպես, ինչպես չի սկսվում ու չի ավարտվում հայրենասիրությունը: Այս անգամ կասեմ բանակի տարին բաղկացած է 365-366 անկրկնելի և գեղեցիկ օրերից: Բանակի յուրաքանչյուր օրը ծնունդ է: Օրը ծնվում է՝ իր հետ բերելով իր գեղեցկությունը, իր հոգսը, իր տազնապարհը»:

Վազգեն Սարգսյանի տողերն են: Նա կայացրեց բանակը, նա շունչ ու ոգի տվեց հայոց բանակին, նրանով ոգեշնչվեցին հայ մարտիկները՝ կամավորից մինչև մահապարտ:

«Մենք ապրում ենք մի այնպիսի անկանխատեսելի տարածաշրջանում, ուր «դատապարտված ենք» ուժեղ բանակ ունենալու: Այս գիտակցությունը պետք է համապետական մոտեցում ձևավորի բանակի և

սպայակազմի նկատմամբ: Հայոց բանակի սպան պետք է ամենաարտոնյալ խավը լինի հանրապետությունում: Դա ոչ այնքան սպային է պետք, որքան հասարակությանը: Նույն կարգով ՀՀ բանակում ծառայած զինվորի ընտանիքը պետք է տարբերակվի ծառայությունից խուսափած մարդու ընտանիքից: Ժամանակին այս երկրին իր կյանքը, ջիղը, արյունը տված տղամարդը պետք է տարբերվի մյուսներից»,- երիցս իրավացի էր սպարապետը:

Մեր պատմության մեջ կան և՛ հերոսական, և՛ ողբերգական էջեր, վերելքներ ու անկումներ, որոնք նստած են մեր արյան մեջ և հուշում-հորդորում են՝ պետք է ունենալ հզոր բանակ. դա է մեր անվտանգության ու խաղաղության երաշխիքը: Մեր Հայրենիքի հենասյունը հզոր բանակն է: Յուրաքանչյուր հայ մարդ իր հոգուց պետք է մի մասնիկ տա բանակի հզորացման գործին:

Շնորհավոր տոնդ, հայ զինվոր, շնորհավոր, սահմանին կանգնած հայ քաջորդի:

Մեր խոնարհումը հերոսածին մայրերին, մեր խոնարհումը հանուն գալիք օրվա իրենց կյանքը զոհաբերած հերոսների շիրիմներին:

ՄԻՎԱ ԿԱՊՈՒՏԻԿՅԱՆ Հայոց աշխարհ, Հայոց երկիր, Հայոց Հող

Հայոց աշխարհ, հայոց երկիր, հայոց հող, Հայն աշխարհում քո գրկի մեջ ապրեմ թող: Դու ժայռակուռ մի ամրոց ես հնավանդ, Աշտարակներդ՝ Արագած ու Արարատ: Թող ես լինեմ աշտարակիդ աղավնին, Շուքդ մնա իմ ապավեն հովանին: Ո՛ր էլ թռչեմ, ինչ աշխարհ էլ թափառեմ, Նորից ետ գամ, քո տանիքում ծվարեմ: Ու թե մեռնեմ, քո գրկի մեջ մեռնեմ թող, Հայոց աշխարհ, հայոց երկիր, հայոց հող:

ՀԱՄՈ ՄԱՀՅԱՆ

...Դեռ միայն է վերքը նաիրյան...
Ու վերքի միջից թռած՝ թռչելու
Ու կանչելու է երգը նաիրյան:
Երգի թևի տակ խաղաղ շնչելու,
Կանաչելու է հերկը նաիրյան:
Եվ գգվելու է հասկերը նրա
Մեր երազները քարերի վրա
Ասեղնագործող շեռքը նաիրյան:
Դեռ միայն է վերքը նաիրյան...
Առաքելու է, ինչ էլ որ լինի,
Իր ծովն առ երկինք երդը նաիրյան
Եվ ոչ մի օրով աշխարհի երթից
Վետ չի մնալու երթը նաիրյան:
Ինչ հողմ ու հրդեհ, հրթիռ ու հյուլե,
Ամուր է հոգու բերդը նաիրյան:
Բայց ո՞րն է, ասեք, մեղքը նաիրյան,
Որ միայն է վերքը նաիրյան:

Կա մի բան, որ աշխարհի
զանազան ծայրերից կարող է
միավորել հայերին հոգով,
մտքով և արյունով, այն է՝
ազգային սերը:

ՐԱՖԻ



ՏՈՆԴ ՇՆՈՐՀԱՎՈՐ,
ՀԱՅՈՑ ԲԱՆԱԿ

Առցանց աշխատաժողով՝ «Շախմատ. գիպություն և կրթություն» խորագրով

ՀՊՄՀ-ի «Շախմատ» գիտահետազոտական ինստիտուտի նախաձեռնությամբ հունվարի 18-ին անցկացվեց «Շախմատ. գիտություն և կրթություն» խորագրով առցանց աշխատաժողով, որի նպատակն էր ստեղծել գիտելիքների և փորձի փոխանակման հարթակ՝ նորարարական մոտեցումների ներդրման, մասնագիտական հմտությունների զարգացման և ներառական ու արդյունավետ ուսուցման խթանման համար:

Աշխատաժողովին մասնակցում էր առարկան դասա-

վանդող 300-ից ավելի ուսուցիչ հանրապետության բոլոր դպրոցներից:

ՀՊՄՀ ռեկտոր Սրբուհի Գևորգյանը ողջունեց, արդյունավետ աշխատանք ու հետաքրքիր երկխոսություններ մաղթեց աշխատաժողովի մասնակիցներին և հույս հայտնեց, որ հարթակը կբավարարի ուսուցիչների սպասումները:

«Շախմատը ոչ միայն խաղ է, այլև կարևորագույն կրթական գործիք, որը ձևավորում է սովորողների մտա-

ծողության ոճը, նախաձեռնողականությունը, որոշումներ ընդունելու կարողությունը, ստեղծարարությունը և հոգեբանական այլ կարևորագույն որակներ: Աշխատաժողովի նպատակն է կարևորել մեր երկրի բոլոր դպրոցների ուսուցիչների շախմատային կրթության մեթոդաբանության նորագույն, ինչպես նաև կյանքի հմտությունների զարգացմանը և համընդհանուր ներառականության համատեքստում՝ անձի առանձնահատուկ պայմաններին վերաբերող հարցերի քննարկումը»,-նշեց ռեկ- ➤2

Առցանց աշխատաժողով «Շախմատ. գիտություն և կրթություն» խորագրով

Մտորմն ու հույս հայտնեց, որ յուրաքանչյուր մասնակից անձնային և մասնագիտական որակների զարգացման համատեքստում իր ասելիքն ու ներդրումը կունենա աշխատաժողովում: ԳՊՄՀ «Շախմատ» գիտահետազոտական ինստիտուտի աշխատակից, կրթության փորձագետ Սերոբ Խաչատրյանը ևս ողջունեց գիտաժողովի մասնակիցներին և նկատեց, որ 14 տարի դասավանդվող առարկայի վերաբերյալ «Շախմատ» ինստիտուտի աշխատանքի շնորհիվ մեծ փորձ է կուտակվել: Նա կարևորեց նաև այն հանգամանքը, որ առարկան իր շուրջն է համախմբել մի խումբ մասնագետների և ուսումնասիրվում է գիտական մակարդակով: Կրթության փորձագետը շնորհակալություն հայտնեց շախմատի ուսուցիչներին. դժվար է դասավանդել նոր առարկան մեր օրերում, երբ աշխարհում առհասարակ դասավանդելը համարվում է անենադժվար, բայց ամենապատվաբեր աշխատանքը:

«Կարևորում ենք երկխոսությունը առարկայի տեսական մասը մշակողների և այն դասավանդողների միջև. սա արդյու-



նավետության գրավականներից մեկն է, որ տարիներ շարունակ իրագործվում է ինստիտուտի և Շախմատի ակադեմիայի միասնական աշխատանք»,-նշեց Սերոբ Խաչատրյանն ու աշխատաժողովի ղեկուցողների անունից վստահեցրեց՝ այսօր էլ պատրաստական են պատասխանել ա-

ռարկան դասավանդողների՝ առցանց ուղարկված հարցերին:

Աշխատաժողովը շարունակվեց չորս մասնաճյուղերում՝ Շախմատի ուսուցման մեթոդական հարցեր, Շախմատը և կյանքի հմտությունները, Ուսուցչի անձնային և մասնագիտական զարգացում, ԿԱՊԿ

ունեցող սովորողների առանձնահատկությունները և ուսուցիչների մանկավարժական կարողունակությունների զարգացման միջոցները ներառական կրթության համակարգում: «Շախմատ» գիտահետազոտական ինստիտուտի գիտաշխատողներն իրենց զեկույցներում անդրադարձան մասնաճյուղերի թեմաների շրջանակներում կարևորագույն հարցերին և վերջին հետազոտություններին:

Աշխատաժողովի ընթացքում ուսուցիչներն առցանց ձևաչափով ուղարկեցին առարկայի դասավանդման վերաբերյալ հարցեր՝ դասագրքերից մինչև ակնկալվող վերջնարդյունքների գնահատում և այլն. դրանք մեթոդիստները, չափորոշիչների հեղինակները, գիտաշխատողները քննարկեցին համապատասխան մասնաճյուղերում: Աշխատաժողովի մասնակիցների կարծիքով՝ ձեռնարկն արդյունավետ հարթակ էր շախմատի ուսուցման, գնահատման և առարկայի հետ կապված մի շարք հարցեր մասնագետներին ուղղելու, նպատակային և արդյունավետ քննարկում ունենալու համար:

Քրիստինե ՄԵԼՔՆՅԱՆ

«Կարիերայի ուղղորդումը՝ պերսոնալ կայուն ապագայի ձևավորման հիմքում»



ԳՊՄՀ Աշխատակազմի և միջազգային համագործակցության գծով պրոռեկտոր Մարիաննա Գարոնյանը մասնակցեց Աշխատանքի և սոցիալական հետազոտությունների ազգային ինստիտուտի կազմակերպած միջոցառմանը:

Դիտարկելով հանրակրթության նոր չա-

փորոշիչները ման շրջանակում, դպրոցների 8-րդ դասարաններում գործում են մասնագիտական կողմնորոշման խմբակներ, որոնք ներդրվել են 2024-2025 ուսումնական տարվանից:

Ողջունելի խոսքում ԳՊՄՀ կրթության, գիտության, մշակույթի և սպորտի նախա-

րարի տեղակալ Արաքսիա Սվաջյանը կարևորեց այն, որ մասնագիտական կողմնորոշման աշխատանքները սկսվում են հենց հիմնական դպրոցից, ինչը, ըստ նրա, բազմաթիվ խնդիրների լուծման նախապայման է: Ըստ նրա՝ այս տարի միջին մասնագիտական կրթության նկատմամբ հետաքրքրության աճ է գրանցվել. իրականացվում են բազմաթիվ ծրագրեր, այդ թվում՝ պետության համար գերակա համարվող մասնագիտությունների գծով բարձր կրթաթղթակի տրամադրմամբ:

Արաքսիա Սվաջյանն անդրադարձավ նաև ավագ դպրոցներում կրթության կազմակերպմանը, խոսեց ցլյան կրթության համակարգի և խորհրդատվական ծառայությունների, ճիշտ ուղղորդման մեխանիզմների կարևորության մասին:

Պանելային քննարկման բանախոսները հնչեցրին կարիերայի ուղղորդման գործընթացների վերաբերյալ իրենց տեսակետները, անդրադարձան առկա մարտահրավերներին և ուղրտի զարգացման հնարավորություններին:

ԳՊՄՀ պրոռեկտոր Մարիաննա Գարոնյանը ասաց, որ ԳՊՄՀ-ում շարունակվում է մասնագիտական կրթական ծրագրերի բարելավման գործընթացը:

Մասնավորապես՝ մասնագրերում վերափոխվում են փոխանցելի կրթական ելքային արդյունքները, դրանք համապատասխանեցվում են ժամանակակից աշխատաշուկայի պահանջներին:

Նրա դիտարկմամբ՝ մասնագիտական գիտելիքներից, կարողունակություններից բացի, աշխատաշուկայում հաջողելու կարևոր նախապայման է փափուկ հմտությունների ձեռքբերումը. «Ավելի հաճախ զբաղվածության խնդիրը հնարավոր չի լինում լուծել այդ հմտությունների բացակայության պատճառով. ունենալով գիտելիքներ, սխալ է կառուցվում աշխատանքային գործունեության խնդիրը լուծելուն միտված քայլերը»:

Լինելով մանկավարժներ կրթող կառույց՝ Մանկավարժական համալսարանը, պատրաստ է ներկայացնել իր փորձառությունը. բուհը, մասնագիտական կողմնորոշման գործընթացում առկա համագործակցությունների ամրապնդման և ուղրտի հետագա զարգացման համար պատրաստ է շարունակել գործընկերությունը տարբեր գերատեսչությունների հետ, իրականացնել վերապատրաստումներ և այլ նախաձեռնություններ՝ վստահեցրեց՝ Մարիաննա Գարոնյանը:

PROVE նախագծի շրջանակում

Երազմուս+ բարձրագույն կրթության կարողությունների զարգացման «Արժեքներին միտված կրթության խթանումը Գարոնյանի Կովկասի բուհերում» PROVE նախագծի շրջանակում ԳՊՄՀ-ում տեղի ունեցավ ֆոկուս խմբի քննարկում, որին մասնակցում էին ԳՊՄՀ Աշխատակազմի և միջազգային համագործակցության հարցերով պրոռեկտոր Մարիաննա Գարոնյանը, դասախոսներ, ուսանողներ, ԳԿ ներկայացուցիչներ, ուսուցիչներ, ծնողներ:

Եռանյա ծրագրի համակարգողը Վրաստանի Թելավիի պետական համալսարանն է: Նախագծի հիմնական նպատակը ԳՊՄՀ և տարածաշրջանային բուհերում արժեքներին և գիտելիքին միտված կրթության (VaKe) զարգացումն է: Կարիքների գնահատման նպատակով կիրականացվի քանակական և որակական հետազոտություն, կվերհանվեն դասավանդման և

ուսումնառության ընթացքում դասավանդողների կիրառող մեթոդները, մոտեցումների հիմնական խնդիրները:

Այդ կարիքների բացահայտմանն ու գնահատմանն էր միտված ֆոկուս խմբի հետ քննարկումը, որը վարում էին Աշխարհագրության և նրա դասավանդման մեթոդիկայի ամբիոնի դոցենտ Մարինե

Մաթոյանն ու Կիրառական հոգեբանության ամբիոնի վարիչի պաշտոնակատար Մարիաննա Ավետիսյանը:

Հանդիպմանը ներկայացվեց ծրագրի նպատակը, քննարկվեցին կրթության մեջ արժեքների դերը, խոչընդոտները, եղան բարելավմանը միտված առաջարկներ:




Մեռնում են այն մարդիկ եւ այն ժողովուրդները, որոնք իրենց անկումը ընդունում են իբրեւ ճակատագրական, իբրեւ պարտադրուած մի ֆատում: Նրանք՝ որոնք կարողութիւնը չունեն ինքնզինքին ոչ ասել, մերժել իրենց աղաւաղած գոյութեան ձեւը եւ կերպը, իրենց մթագմած կամքի եւ գիտակցութեան խղճալի վիճակը: Նրանք՝ որ չգիտեն խարազանել իրենց սիրտը եւ մարմինը, չգիտեն յանդգնել եվ իրենց յանդգութեան պատրանքը մսի եւ ոսկորի վերածել:

ԿՈՍՏԱՆ ԶՈՐԵԱՆ



Սառա Մանթվիլի դասախոսությունը

Մանկավարժական համալսարանում էր Շվեյցարիայի Լյուցեռնի համալսարանից Սառա Մանթվիլը: Բժշկական գիտությունների թեկնածու Սառա Մանթվիլը առաջին անգամ է Հայաստանում: Հունվարի 17-ին համալսարանում բժշկական ոլորտի տարբեր մասնագետների հետ հանդիպմանը նա խոսեց վարժունակ առողջապահական համակարգերի մասին՝ համգամանորեն անդրադառնալով հետազոտական աշխատանքի արդյունքում ստեղծված գիտելիքները կիրառելի և աշխատանքում կիրառելուն: Դասընթացը նախատեսված էր մասնակիցներին հիմնական գիտելիքներ տալու առողջապահական համա-



կարգերի գիտելիքների յուրացման (ԱՀԳՅ) վերաբերյալ և ցույց տալու, թե ինչպես դրանք կարող են նպաստել առողջապահական ծառայությունների մատուցման և արդյունքների բարելավմանը: ԱՀԳՅ-ն միավորում է իրական ժամանակում տվյալների հավաքագրումը, ապացուցահեն որոշումների ընդունումը և շահառուների համագործակցությունը՝ ստեղծելով ճկուն առողջապահական համակարգեր:

Ծանոթանալով լսարանում ներկա ոլորտի տարբեր մասնագետների հետ՝ Սառա Մանթվիլը կարևորեց համագործակցությունը և մանրամասնեց, թե այդ տիրույթում ինչպես կարելի է համագործակցել ստեղծած գիտելիքները յուրացնելու և կիրառելու համար:

Բանախոսը ներկայացավ որպես վարժունակ առողջապահական համակարգերի մասնագետ, ով չունի վերականգնողական աշխատանքի փորձառություն, բայց վերականգնողական աշխատանքի ոլորտում շատ գործընկերներ ունի, որոնք հորդորել են զալ Հայաստան և Մանկավարժական համալսարանում խոսել վարժունակ առողջա-



պահական կամ առողջապահական համակարգերի գիտելիքների յուրացման մասին: Սառա Մանթվիլը հանդես եկավ դասախոսությամբ առողջապահական համակարգերի գիտելիքների յուրացման մասին՝ ԱՀԳՅ գործընթացից ստացված գիտելիքները ինչպես կարելի է վերածել քաղաքականության և իրականացնել համակարգային փոփոխություններ:

Նա երկար տարիներ աշխատանք է տարել վարժունակ առողջապահական համակարգերի ոլորտում՝ ուղղված մասնակցային մեթոդների խթանմանը:

Նա ներկաներին ծանոթացրեց առողջապահական համակարգերի գիտելիքների յուրացման սկզբունքների հետ, խոսեց տվյալահեն ուսուցման, հետազոտական կապի փուլերի և շարունակական կատարելագործման մասին: Միաժամանակ մասնագետներից տեղեկացավ՝ ինչպես են նրանք այդ սկզբունքները կիրառում կամ կարող են կիրառել իրենց աշխատանքում արդյունքների բարելավման նպատակով:

Երկօրյա աշխատաժողովի ընթացքում մասնակիցները ծանոթացան ԱՀԳՅ սկզբունքներին, մեթոդաբանությանը և դրանց կիրառումներին:

Բանախոսն անդրադարձավ առողջ ծերացման վերականգնողական հիմնական մարտահրավերների սահմանմանը: ԱՀԳՅ շրջանակի կիրառում տվյալներում, գործողություններում և գնահատման կարիքներում: Այնուհետև անդրադարձան հաջորդ փուլին՝ շահառուների քարտեզագրմանը՝ դերերին և հնարավոր մարտահրավերներին:

Երկրորդ օրը խոսեցին խոչընդոտների, հնարավորությունների և ԱՀԳՅ-ում կայունության մասին, կատարեցին մարտահրավերների վերլուծություն և գործողությունների նախագծում:

Վերջում մասնագետներն ամփոփեցին, վերլուծեցին հաջորդական քայլերը, անդրադարձ արեցին իրենց ուսումնական փորձին, ամփոփեցին գաղափարները և ի մի բերեցին ինչպես ԱՀԳՅ համակարգերը կիրառեն գործնականում:

Սիլվա ԱՍՐՅԱՆ

Հայագիտական ուսումնասիրությունների միջազգային ընկերակցության համաժողովում

Խ. Արվյանի անվան ՀԳՄՀ համաշխարհային պատմության և նրա դասավանդման մեթոդիկայի ամբիոնի վարիչ, պատմական գիտությունների դոկտոր, պրոֆեսոր Խաչատուր Ստեփանյանը Հայագիտական ուսումնասիրությունների միջազգային ընկերակցության (ՀՈՒՍԸ) հրավերով 2025 թվականի հունվարի 9-11-ը Ժնևի և Լոզանի համալսարաններում մասնակցել է ընկերակցության 16-րդ Ընդհանուր համաժողովին, որի ընթացքում հանդես է եկել «Արցախը Խորհրդային Ադրբեջանի» բռնակցելու խնդրի արծարծումը սփյուռքահայ մամուլում (1920-1930-ական թթ.)» վերտառությամբ զեկուցումով:

Ձեկույցի հիմնական շեշտադրումն այն է եղել, որ պետք էր հաշտվել Արցախի բռնակցման հետ: Եվ սփյուռքահայ մամուլը պայքարի առաջնագծում էր: Անհրաժեշտ էր բողոքել անարդարության դեմ, չհիասթափվել և շարունակել պայքարը: Սերունդներին տրամադրել հաղթանակի և արդարության վերականգնման համար պայքարի: Որովհետև առանց հաղթանակի չի լինի ոչ մի առաջընթաց, ապահովություն, խաղաղություն: Անարդարության դեմ պայքարը, ի վերջո, պայքար է նաև հանուն ապագայի:

Համաժողովի ընթացքում ՀՈՒՍԸ-ը կարևորել է Մանկավարժական համալսարանի ներկայացուցչի մասնակցությունը իրենց համաժողովին և հույս հայտնել, որ հետագայում համագործակցությունն ավելի ընդգրկուն կդառնա:

«ԴԱՍԱԽՈՍԱԿԱՆ ԳԱՎԱԹ-2025»

Հունվարի 27-31-ը Հայաստանի պետական տնտեսագիտական համալսարանի և Հայաստանի ուսանողական մարզական ֆեդերացիայի նախաձեռնությամբ անցկացվեցին «Դասախոսական գավաթ-2025» 13-րդ միջբուհական մարզական խաղերը: ՀԳՄՀ-ում անցկացված մրցաշարը նվիրված էր բուհի հիմնադրման 50-ամյակին:

Այս տարի առաջնությունն անցկացվեց 6 մարզաձևում՝ հրաձգություն, սեղանի թեմիս, շախմատ, բասկետբոլային մետոմներ, բադմինտոն, պարանի ձգում: Մրցումներին մասնակցեցին հայաստանյան 10 բուհի շուրջ 200 դասախոս և աշխատակից:



Ամենամյա միջբուհական խաղերին Մանկավարժական համալսարանն ունենում է ակտիվ մասնակցություն, բայց այս տարի բուհը մրցումներին ներկայացավ միայն հրաձգություն մարզաձևում: Թիմի կազմում էին Շախմատի և սպորտի ամբիոնի դասախոս Իվան Կարապետյանը, Ինֆորմատիկայի և նրա դասավանդման մեթոդիկայի ամբիոնի ասիստենտ Վահագն Խառատյանը: Վերջիններս խոցելով 50 հնարավորից 45-ական՝ միավորներով առաջ անցան մրցակիցներից և տղաների անհատական պայքարում զբաղեցրին հետևյալ տեղերը՝ Իվան Կարապետյանը՝ 1-ին, իսկ Վահագն Խառատյանը՝ 2-րդ հորիզոնականը: Վերջիններս արժանացան մեդալների և պատվոգրերի: Նշենք, որ նախորդ տարիներին ևս այս և այլ մարզաձևերում արվյանականները ճանաչվել են լավագույնները, զբաղեցրել բարձր հորիզոնականներ:





Մեր պաշտոնաթերթի հյուրն է Հայաստանի կինոգործիչների միության նախագահ, ՀՀ ժողովրդական արտիստ, Եվրոպական կինոակադեմիայի անդամ, «Ոսկե ծիրան» միջազգային կինոփառատոնի հիմնադիր, միջազգային բազմաթիվ մրցանակների դափնեկիր, կինոքեմադրիչ, Խ. Աբովյանի անվան ՀՊՄՀ շրջանավարտ Հարություն Ռուբենի Խաչատրյանը:

-Յոթնամյակն անհամար ամփոփելիս ի՞նչ կարևոր եզրահանգումներ արեցիք: Յետադարձ հայացք գցելով 70-ամյա անցյալին՝ ի՞նչ հիշողություններ են արթնանում:

-Իրականացնելու շատ գործեր կան, մաս կիսատ մնացած ծրագրեր, եզրահանգումներ անելու ժամանակ չկա: Որևէ ծրագրի ավարտին վերլուծություններ անում եմ, բայց ոչ եզրահանգումներ: Աշխատանք շատ կա, սցենարներ կան, որոնցով ֆիլմեր պիտի նկարահանվեն, նոր կինոդպրոց պետք է կառուցվի...

-Ե՞րբ առաջացավ սերը կինոյի հանդեպ. Մանկավարժականի Կուլտուրայի ֆակուլտետի՞ց, երբ ավարտեցիք Յուրի Երզնկյանի արվեստանոցը, թե՞ ավելի վաղ... Կանդիդատանա՞ք Ձեզ համար բախտորոշ այդ տարիներին:

-Մի քիչ դժվար է կինոյի հանդեպ հետաքրքրությունը «սեր» անվանել... Բավականին դժվար գործ է կինո նկարելը, ծանր աշխատանք: Մեր տանը մի ընտանիք էր վարձով ապրում, և տան տղամարդը՝ Յուրաչը, կինոմեխանիկ էր: Նա Ջավախքի գյուղերում ֆիլմեր էր ցույց տալիս: Խնդրեցի, որ ինձ աշակերտ վերցնի և նրա հետ



մտնելու. ես նկարեցի «Կոնդ» ֆիլմը, բայց որի գլխին այդպիսի փորձանք բերեցին... Դժվար ժամանակներ էին, շնորհալի մարդկանց ստեղծագործելու ազատություն չէին տալիս: Մարդիկ հասնում էին 50-60 տարեկան, նոր միայն փորձարարական մի ֆիլմ էին տալիս հոգնած ու հետաքրքրությունն արդեն կորցրած այդ մարդկանց...

Իսկապես կինո նկարելը շատ դժվար գործ էր. այն կապված էր մեծ ֆինանսների և արվեստի մի գործարանի հետ, որը կոչվում էր «Յայֆիլմ» կինոստուդիա: Բայց փառք Աստծո, հետո ղեկավար դարձավ Ֆրունզե Դովլաթյանը, որը հավատաց ինձ և վստահեց: Առաջին տարիներին ինձ շատ օգնեց մաս Միքայել Ստամբուլցյանը, նրա հետ սցենարներ էին գրում... Իմ դասախոսը հետագայում դարձավ իմ ընկերը և իմ սցենարիստը:

Արդեն մեծ հաջողությունների էի հասել, բայց կային մարդիկ, որոնք շարունակում էին վատաբանել ինձ: Երբ Միքայել Ստամբուլցյանի և Սուսաննայի Յարությունյանի հետ ստեղծում էին «Ոսկե ծիրան» փառատոնը, նրանք կասկածի տակ էին դնում Յայաստանում փառատոնի կարևորությունն ու անհրաժեշտությունը: Բայց փառատոնը հաջողություն ունեցավ:

-Ի՞նչ են Ձեզ համար և ընդհանրապես արվեստագետի համար կոչումներն ու պարգևները. ինչ-որ բան փոխում են արվեստագետի կյանքում:

-Շատերը ձևացնում են, թե դրանք կարևոր չեն և պետք չեն, բայց մրցանակները նրա համար են, որ ապացուցեն՝ դու իսկապես փորձառու ես քո լուրտում: Իմ ընկերների մի մասը հիացած չէին իմ ֆիլմերով, նույնիսկ մի մեծ բանակ կար, որ խանգարում էր: Մարդիկ կային, որ մինչև 80-100 ֆիլմ էին նկարում, որոնցից մի քանիսն

«ԿԻՆՈՆ ԻՆՉ ՀԱՄԱՐ ՄԻՋՈՑ Է՝ ԴԱՏԱՄԵԼՈՒ ԻՄ ԱՆՀԱՆԳԱՏՈՒԹՅՈՒՆՆԵՐԻ ՄԱՍԻՆ», ~

ԱՍՈՒԲ Է ՀԱՐՈՒԹՅՈՒՆ ԽԱՉԱՏՐՅԱՆԸ

ամեն շաբաթ, կիրակի մեկնում էինք լեռնային գյուղերը և 8-10 գյուղերում ցուցադրում էինք վարձով վերցրած այդ ֆիլմերը: Յետո նույն ֆիլմերը մայելը դարձավ ծանծաղի: Ես սկսեցի զբաղվել մոնտաժով:

Յետո հետաքրքրվեցի արվեստի և գրականության, հատկապես կինոյի պատմությանը, գրքեր կարդացի, և հետաքրքրություն առաջացավ դեպի ռեժիսորները, դեպի այն մարդիկ, որոնց մասին ասում են՝ հետաքրքիր մտածողություն ունեն, որոնք տեսնում են լույսը...

16 տարեկանում ավարտեցի Ջավախքի (Ախալքալաքի) Յովհաննես Թումանյանի անվան դպրոցը և եկա Երևան՝ ռեժիսուրայի բաժին ընդունվելու ակնկալիքով: Ջարմանքս մեծ եղավ, երբ իմացա, որ թատերականում չկա ռեժիսուրայի բաժին:

7 տարի չկարողացա ընդունվել բուհ: Թատերական ինստիտուտում ինձ կտրուկ մերժեցին՝ ասելով, որ արագ եմ խոսում և Ախալքալաքի նկատելի առոգանությամբ:

-Եվ դիմեցիք Մանկավարժական ինստիտուտ:

-Այո, դիմեցի Մանկավարժական ինստիտուտ: Իսկապես ես լավ չէի խոսում. ես շատ արագ եմ խոսում և շատ արագ մտածում, կարծում էի ռեժիսորի համար այդքան էլ կարևոր չէ սահուն ու գեղեցիկ խոսելը...

Մեկնեցի Մոսկվա, բայց շուտով հասկացա, որ այնտեղ ապրելը թանկ է, և որ ВГИК-ը իմ բանը չէ: Վերադարձա, մեկնեցի բանակ, որից հետո ամուսնացա, և ծնվեց տղաս: Աշխատանքի անցա Ելեկտրոնային հաշվիչ մեքենաների նախագծային ինստիտուտում:

Բայց կինո հորդորեց մեկ անգամ էլ դիմել Մանկավարժական ինստիտուտ: Ես որոշեցի դիմել ֆակուլտետում նոր-նոր բացված կինոռեժիսուրայի բաժին: Դա 1977 թվականն էր: 1-ին կուրսը հավաքում էր Յուրի Երզնկյանը, այստեղ դասավանդում էին Ալբերտ Յավուրյանը, Միքայել Ստամբուլցյանը:

Մեծ դժվարությամբ ընդունվեցի, որովհետև շատ հայտնի ու ճանաչված արվեստագետների երեխաներ էին դիմել: Յե՛նց սկզբից ասացին, որ մրցույթից դուրս 3 հոգու են ընդունել, և առաջին իսկ քննաշրջանի ընթացքում պետք է դուրս մնացողներ լինեն:

Շուտով ես դարձա Լենինյան թոշակառու, կարմիր դիպլոմով ավարտեցի ինստիտուտը: Ավարտական դիպլոմային աշխատանքս վերնագրել էի «Մեր թաղի ծայրերը», որը Կոնդուն միայնակ ապրող մի երաժիշտ Յուրի Անդրեասյանի մասին էր:

Ես վավերագրական ֆիլմեր էի սիրում նկարել, որովհետև շատերը պնդում էին, որ ես վատ եմ խոսում, դե-

րասանները չեն հասկանա: Խաղարկային կինոն ինձ բավականին թատերական ու կեղծ էր թվում: Ինձ համար ավելի շատ հետաքրքիր էր դոկումենտալ ֆիլմը:

Եվ այսպես ավարտեցի ինստիտուտը և սկսեցի աշխատել «Յայֆիլմ» կինոստուդիայում: Այստեղ էլ տարիներով պետք է սպասեիր, որ հնարավորություն տան դեբյուտային ֆիլմ նկարել: Մի քանի ֆիլմ նկարեցի, որոնք ոչ շատ լավն էին, ոչ էլ շատ վատը: Բայց երբ նկարեցի իմ ամենալավ ֆիլմերից մեկը՝ «Կոնդը»՝ մեծ դիմադրության արժանացա. «Յայֆիլմ»-ի 12 հոգանոց խումբը իմ ֆիլմը որակեց թույլ, սիրողական, անհետաքրքիր, հակասովետական, մինչև անգամ՝ հակահայկական...

-Ուկրահնայում կազմակերպված երիտասարդական կինոփառատոնը բեկումնային եղավ Ձեր ստեղծագործական կյանքում...

- Այո: Օպերատորի հետ ֆիլմը դուրս բերեցինք լաբորատորիայի նկուղից, ներկայացրինք մրցույթին, և ֆիլմը Կիևում ստացավ գլխավոր մրցանակ: Այնուհետև գլխավոր մրցանակներ Մոսկվայում, Թբիլիսիում, Սվերդլովսկում: Յետագայում ինձ հրավիրեցին Մյունխեն, Նյու Յորք, որտեղ ստացա միջազգային մրցանակներ:

Մոսկվայի 1-ին հեռուստատեսությամբ հաղորդումներ էր պատրաստում լավագույն ֆիլմերի մասին: Եվ այդ հաղորդումներից մեկը նվիրեցին մեզ՝ ներկայացնելով «Կոնդ»-ը որպես կինոերևույթ՝ բարձրագույն պրոֆեսիոնալիզմով արված: Յաղորդումն ուղեկցվեց ֆիլմի ցուցադրմամբ:

- Կարելի է ասել՝ ստեղծագործական այդ շրջանը Ձեզ համար փորձի և փորձառության ձեռքբերման ժամանակահատված էր...

- Դա շատ կարևոր շրջան էր ինձ համար: Բայց քանի որ իմ կադապարը, ցանկությունը և մտածելակերպը ռեժիսորական էր՝ փորձեցի ռեժիսորական բաժնում. սկսեցի ասիստենտի աշխատանքից... Յետո վերջապես առաջարկեցին մի քանի ֆիլմ նկարել. դրանք կինոժուռնալներ էին, և շատերը չէին ուզում նկարել, բայց ես սիրով նկարեցի 4 ֆիլմ: Դրանցից մեկը Շավարշ Կարապետյանի հերոսության, մյուսը՝ բռնցքամարտիկ Վլադիմիր Ենգիբարյանի մասին էր: Ֆիլմերը շատ լավ ընդունվեցին, Մոսկվայում նույնիսկ պրեմիերաներ արեցին: Իմ լավագույն ընկերներից մեկի՝ Ներսես Յովհաննիսյանի հետ էլ նկարեցինք ֆիլմ Միկոյանի անվան պարտիզանական ջոկատի մասին: Ես արդեն պատրաստ էի կյանք

էին որակյալ, ես 15-16 ֆիլմ կարողացա նկարել, բայց որոնք միջազգային, համաշխարհային փառատոնների մասնակցեցին:

Դժբախտաբար արվեստագետների մեջ նախանձ կա: Եվ հատկապես կինոյում է դա նկատելի... Երբ խանգարում են քեզ և ուշ-ուշ ես նկարում. տարիներ ես կորցնում. ես 10 տարի ֆիլմ չնկարեցի «Կոնդ» և «Սպիտակ քաղաքը» ֆիլմերից հետո, որովհետև փող չկար, վերաբերմունք չկար: Ֆինանսավորում էին ժողովրդական և այլ կոչում ունեցող արտիստներին: Եվ դրա համար ես սիրով էի ընդունում այդ պարզները և շնորհակալ էի բուլր այն մարդկանց, որոնք ինձ տարբեր կոչումների ու պարգևների էին ներկայացնում:

«Գրականության և արվեստի ասպետ»՝ Ֆրանսիայի կառավարության բարձրագույն շքանշան, Լեհաստանի կառավարության մրցանակ, Յուրաչի թագավորական մրցանակ, բազմաթիվ այլ մրցանակներ ու մեդալներ ունեն, որ պահում եմ իմ չիրկիզվող պահարանում, որոնք ցուցադրելու կարիք չունեն...

-Ի վերջո, ի՞նչ է կինոյի աշխարհը Ձեզ համար: Կխուսե՞ք այն ֆիլմերի մասին, որոնք դեռ չեք նկարել...

-Կինոն կարևոր միջոց է՝ պատմելու իմ ներքին հոգեվիճակի, իմ պատմության ու նկատած թերությունների, իմ հայկականության ու անհանգստությունների մասին: Որովհետև այնքան անհանգստություններ ունեմ՝ կապված մեր երկրի ու ազգի հետ... Երազում եմ, որ մի օր բոլոր հայերը վերադառնան Յայաստան: Յիմա էլ եմ փախչում... Իմ ֆիլմերի կեսը նվիրված է այդ փախուստին: Ցավոք, այսօր կինոթատրոններում և հեռուստատեսությամբ ավելի շատ շահույթ հետապնդող ֆիլմեր են ցուցադրում:

-Ի՞նչ նոր ֆիլմեր եք ուզում նկարել:

- Տաղանդավոր հայերի ճակատագրերի մասին ֆիլմ եմ ուզում նկարել...

-Կա՞ն մտավախություններ, որ այդպես էլ չհաղթահարվեցին:

-Ես այդպես էլ ինքնավստահ չդարձա. միշտ վախեցնում եմ՝ արդյո՞ք լավ ստացվեց այս կամ այն ֆիլմը, արդյո՞ք դա պետք էր մարդկանց:

Ինձ համար շատ կարևոր է, որ այդ ֆիլմերը տարիներ հետո չհնանան, դիմանան ժամանակի քննությանը: Կարծում եմ՝ իմ ֆիլմերը կդիմանան ժամանակի քննությանը, որովհետև դրանք պատմում են մարդկանց և նրանց հույզերի մասին...

Չորսյցը՝ Սիլվա ԱՍՐՅԱՆԻ



Ուսանողներն այցելեցին ՀՀ ԳԱԱ Մեխանիկայի ինստիտուտ

Առաջատար գիտաշխատող, երկրաբանական գիտությունների դոկտոր, պրոֆեսոր Սարգիս Չայրոյանը ՀՀ ԳԱԱ Մեխանիկայի ինստիտուտի Փորձարարական հետազոտությունների լաբորատորիայում ՀՊՄՀ Մաթեմատիկայի, ֆիզիկայի և ինֆորմատիկայի ֆակուլտետի «Մաթեմատիկա-ֆիզիկա», «Մաթեմատիկա-ինֆորմատիկա» կրկնակի մասնագիտություններ սովորող ուսանողներին հանգամանորեն ծանոթացրեց կառույցի աշխատանքներին, խոսեց ՀՀ-ում կառուցվող ջրամբարների նախագծման և հաշվարկների հիմնական փուլերի, դրանց հիմնատակերի մոդելավորման և նյութերի ընտրության մոտեցումների մասին:

Քննարկումների ընթացքում նա պատասխանեց ուսանողներին հետաքրքրող հարցերին:



Մաթեմատիկայի և նրա դասավանդման մեթոդիկայի ամբիոնի վարիչ Լուսինե Դուլդաբարյանը կարևորեց կառույցի հետ համագործակցությունը և այն հուշագրով ամրագրումը. «Նման հանդիպումներն օգնում են ուսանողներին իրենց ստացած գիտելիքները կիրառելու բնական երևույթները նկարագրող խնդիրների լուծման ընթացքում, ինչն էլ կնպաստի մանկավարժական գործունեության արդյունավետությանը ԲՏՏՈՒ ուղղությամբ»:

Հաջորդ այցին ուսանողները ներկա կգտնվեն նաև լաբորատորիայում կատարվող գիտափորձերին:



Վերապատրաստման դասընթացի հերթական ամփոփումը

Նախադպրոցական ուսումնական հաստատությունների մանկավարժական աշխատողները դեկտեմբերի 5-21-ը Մանկավարժական համալսարանում մասնակցել էին վերապատրաստման դասընթացների. Հունվարի 21-ին ակադեմիական 90 ժամ տևողությամբ դասընթացի 53 մասնակիցները հանդիսավոր պայմաններում հավաստագրեր ստացան:

Նրանց ողջունեց ՀՊՄՀ Ուսումնական գործընթացների գծով պրոռեկտոր Նաիրա Սաֆարյանը, որը փաստեց՝ նախադպրոցական ուղրտի մանկավարժական աշխատողները բարդ ու պատասխանատու աշխատանք են կատարում, հույս հայտնելով, որ կրթական բարեփոխումները պետք է ներառեն նաև այդ կարևոր ուղրտը:

«Հանդգլած եմ, որ վերապատրաստման գործընթացը նախադպրոցական հաստատության աշխատողներին նոր գիտելիքներ է տվել, թարմացրել նրանց աշխատանքային զինանոցը, որը արդյունավետորեն կիրառելու են իրենց բարդ ու պատասխանատու աշխատանքում», -ասում է պրոռեկտորը:

Նախադպրոցական մանկավարժության և մեթոդիկաների ամբիոնի վարիչի պաշտոնակատար Արմենուհի Մանուկյանը հպարտությամբ բարձրաձայնում է վերապատրաստվողների թիվը նկատելիորեն աճել է, ինչը վկայում է, որ մասնագիտական բարձր որակներ ունեցող թիվ է աշխատել և գործընթացը արդյունավետ իրականացրել:

«Գաղտնիք չէ, որ նախադպրոցական հաստատություններում նվիրյալներ են աշխատում», -ասաց բանախոսը՝ վստահ, որ վերապատրաստումները նոր գիտելիքների ձեռքբերման, կարողությունների ու հմտությունների ձևավորման, հիմնախնդիրների բացահայտման ու փորձի փոխանակման մի իսկական հարթակ էր: Արմենուհի Մանուկյանը լիահույս է՝ վերապատրաստումներն ամեն անգամ նոր որակներ են արձանագրում, հաջորդաբար կատարելագործվում են անցկացման մեթոդները:

Ամբիոնի պրոֆեսոր Սվետլանա Մարությանը, որը ուղրտի ակունքներում է կանգնած, շնորհավորեց վերապատրաստված աշխատողներին՝ վերապատրաստման գործընթացին մաղթելով շարունակական ընթացք:

Մասնակիցներն իրենց գոհունակությունն արտահայտեցին՝ իսկապես մասնագիտական անհրաժեշտ գիտելիքներ ստացան, որը նորովի կօգտագործեն իրենց աշխատանքում:

«Ես սիրում եմ մանկավարժությունը, սիրում եմ երեխաներին», - ասում է Լիանա ԱՌԱՔԵԼՅԱՆԸ



-Կներկայանա՞ք:

-Ես Առաքելյան Լիանան եմ, 22 տարեկան: 2020 թվականից սովորում եմ Մանկավարժական համալսարանի ինֆորմատիկայի բաժնի հեռակա ուսուցման համակարգում:

Ավարտել եմ Արագածոտնի մարզի Թալիհի շրջանի Արագածավան գյուղի N 1 միջնակարգ դպրոցը: Ներկայումս աշխատում եմ նույն դպրոցում՝ համատեղելով ուսումնական աշխատանքը:

-Ինչո՞ւ ընտրեցիք այդ մասնագիտությունը, ինչո՞ւ էր դա պայմանավորված:

-Հանգամանքների բերումով կրթություն եմ ստացել նաև Ռուսաստանի Դաշնությունում, և երբ վերադարձա Հայաստան՝ շատ էի ուզում մանկավարժ դառնալ: Մասնագիտության հարցում էլ ինձ կողմնորոշեց թույրս, ով մագիստրոսական կրթական ծրագրով մաթեմատիկա մասնագիտությամբ, նույնպես սովորում է Մանկավարժականում:

Որպես ժամանակակից մասնագիտություն՝ ես էլ էի հակված մասնագիտանալ ինֆորմատիկայի գծով, թեև նախապես ընտրել էի հայոց լեզու և գրականություն:

-Որքանո՞վ արդարացան ակնկալիքները:

-Պետք է ասեմ, որ մեր դասախոսները տալիս են այն բոլոր գիտելիքները, որոնք պետք են մեզ ապագայում աշխատելու համար: Այո, ակնկալիքներս արդարացել են: Ես նաև հասկացա, որ ճիշտ մասնագիտություն եմ ընտրել: Զուգահեռ առցանց դասընթացների միջոցով ուսումնասիրեցի VEB ծրագրավորում:

-Ի՞նչ ես կարծում, մեր օրերում բոլոր՞ը պետք է ժամանակակից մասնագիտություն ընտրեն, բա մյուս ուղրտնե՞րը:

-Այո, կարծում եմ սխալ է ընտրել միայն ժամանակակից մասնագիտություններ. չէ՞ որ երկրի տարբեր ուղրտների մասնագետներ են պետք... Մեր կուրսի օրինակով կասեմ՝ մեր կուրսից միայն ես եմ որոշել շարունակել մանկավարժի մասնագիտությամբ, մյուսները տեխնոլոգիաների ուղրտն են ընտրելու, որպեսզի ժամանակի հետ համահունչ քայլեն: Մեր կուրսից միայն ես եմ աշխատում մանկավարժի մասնագիտությամբ: Մյուսներն ընդունվել են՝ տեխնոլոգիաների մեջ հմտանալու համար:

Բայց հանրապետության այսօր շատ են պետք մանկավարժներ, և մանկավարժական բուհ ընդունվողների այս մոտեցումը ես սխալ եմ համարում:

-Քույրիկդ էլ է սովորում հեռակա համակարգում: Ի՞նչ ես կարծում՝ հեռակա կրթական ծրագիրը շա՞տ է տարբերվում առկա ուսուցման կրթական ծրագրից: Այսօր հին մոտեցումները չկան, կարծում եմ, հեռակայի հանդեպ: Յուրաքանչյուրն ըստ իր հարմարության է ընտրում՝ որ համակարգում սովորել, հետևաբար այսօր ուսուցման բոլոր ձևերն ընդունելի են:

- Ես տարբերություն չեմ տեսնում: Լավ դասախոսներ ունենք, որոնք նվիրումով աշխատում են, գիտելիքներ փոխանցում, այլ հարց է՝ ով ինչքան կվերցնի կամ ինչ ջանասիրությամբ կսովորի: Ամբիոնի բոլոր դասախոսներին սիրով ենք լսում՝ Ջանի-

բեկ Սրապիոնյանին, Արսեն Նադարյանին, մյուսներին: 5-րդ կուրսում արդեն ծանոթացել ենք Սամվել Սիրոյանին, և ուրախ ենք դրա համար:

Կուրսում 13 հոգի ենք: Ցավոք շատերը ընդունվելու միտում են ունեցել՝ հետագայում գումար վատակելու ակնկալիքով:

-Ուսուցչին այսօր շատ թիչ են վճարում. դուք համոզված ե՞ք, որ շարունակելու եք աշխատել որպես ուսուցիչ:

-Այո, ես սիրում եմ մանկավարժի գործը, սիրում եմ երեխաներին կրթել, պետք է շարունակեմ, նաև մասնակցեմ կամավորատեստավորման՝ միգրացիոն ինչ-որ չափով բարձրացնեմ աշխատավարձս:

Դեռ 2020 թվականից աշխատում եմ «Արմատ» ինժեներական լաբորատորիայում, խմբավար եմ: Իսկապես ես իմ գործը շատ եմ սիրում:

-Այսօր ուսուցչին այլևս միակ գիտելիք փոխանցողը չէ, հետևաբար պետք է կարողանալ ծիշտ ուղրտողներին անել, որպեսզի սովորողը կողմնորոշվի, սխալներ չանի: Ո՞վ է մեր օրերի ուսուցիչը...

-Ուսուցիչը նաև հոգեբան է, պետք է կարողանա ճիշտ մոտեցնել յուրաքանչյուր սովորողին, անմիջականորեն մասնակցել նրա մարդկային որակների ձևավորմանը, նրա մեջ արմատավորել արժեքներ հայրենիքի ու պետականության նկատմամբ, որպեսզի մեր երկրի ապագան լավ ու հզոր ձեռքբերում լինի:

-Մտադրություն ունե՞ս շարունակել մագիստրատուրայում:

-Այո, և նույն մասնագիտությամբ:

-Ինչ կարող ես ասել քո մանկավարժական առօրյայի մասին:

-Արդեն չորս տարի աշխատում եմ «Արմատ»-ի խմբավար, և շատ հաճելի է, որ երեխաներն ինձ վերաբերվում են որպես ավագ ընկերոջ, ինձ հետ կիսում են իրենց խոհերը, չեն վախենում ինձ հետ խոսել

կարևոր բաների մասին, խորհուրդ են հարցնում: Ես կարողանում եմ օգնել նրանց իմ խորհուրդներով:

-Մանկավարժությունը սովորական աշխատանք է. թե առաքելություն ու կոչում:

-Ամենքը չէ, որ կարող են մանկավարժ լինել. մանկավարժի կոչումը բոլորին չէ տրված, և միայն գիտելիքներ փոխանցելով չես կարող լավ մանկավարժ լինել: Պետք է սիրես գործը: Հատկապես այս տեխնոլոգիական դարում շատ դժվար է երեխաների հետ աշխատել: Տեխնոլոգիական դարը ուսուցչին նոր գործիքներ է տվել աշխատելու, բայց և ռիսկեր է պարունակում:

-Ի՞նչ կմաղթես բոլոր նրանց, ովքեր ընտրել են մանկավարժությունը կամ դեռ չեն կողմնորոշվել:

-Յուրաքանչյուր ոք պետք է հասկանա՝ իր կոչումը երեխաներին կրթելն է, թե ոչ: Սխալ ընտրություն չանի և տարիներ վատցի:

-Պրակտիկայի ընթացքում եմ հիմնականում հասկանում՝ կարող եմ ուսուցիչ աշխատել, թե ոչ:

-Այո: Մեր պրակտիկան անց ենք կացրել Լեռնի անվան N 65 դպրոցում, ընկեր Մերի Սիմոնյանի մոտ, ով Մանկավարժականի շրջանավարտ է: Նա մեզ շատ օգնեց, սովորեցրեց ինչպես աշխատել երեխաների հետ: Մենք կարողացանք մեր տեսական գիտելիքները հմտորեն օգտագործել պրակտիկայում:

Այս տարվանից արդեն ուսումնասիրում ենք թվային գրագիտություն և համակարգչային գիտություն: 2-րդ դասարանից ուսումնասիրում են դպրոցում: Մենք թվային դարում ենք ապրում, և այդ գիտելիքներն անհրաժեշտ են անշուշտ:

-Եթե նորից ընտրելու լինեիր՝ կրկին կընտրեիր մանկավարժությունը:

-Անշուշտ:

Զրույցը՝ Սիլվա ԱՍՐՅԱՆ



Ճանաչելով սեփական պատմությունը

ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցի սաներն ուսուցիչների և ծնողների հետ այցելեցին Ռուսաստանի և Նոր Նախիջևանի հայոց թեմի «Տապան» թանգարան: Ծանաչողական էքսկուրսիայի ընթացքում ներկայացրել էին տեղի ցուցահանդես, որտեղ ներկայացված էին հայոց բոլոր արքայները՝ սկսած Հայկազունների տոհմից:

Իրենց աշխատանքները հայ և ռուս նկարիչները միավորել էին «Վերածնունդ» խորագրի ներքո: Դպրոցի սաները մեծ կտավների վրա տեսան Հայկ Նահապետին և Արա Գեղեցիկին, Արտաշես I-ին և Տիգրան Մեծին, Տրդատ Մեծին և Գրիգոր Լուսավորչին, նրանց համար տպավորիչ էին նաև հայ առասպելների հերոսների նկարները:

Փառավոր էջը շարունակական էր: Հաջորդ բաց դասին աշակերտները տեղեկացան աշխարհով մեկ սփռված տաղանդաշատ հայ ազգի մի շարք ներկայացուցիչների մասին, որոնք մեծ ներդրում են ունեցել մարդկության զարգացման գործում: Լյուբեր Սիմյան (առաջին բանկոմատ ստեղծողը), Ռեյնոլդ Դամադյան (տոմոգրաֆիայի սարքավորման համահեղինակ), Ավեդիս Զիլջյան («Zildjia» հանրա-



ճանաչ ընկերության հիմնադիր, ով ստեղծել է թմբուկի համար նախատեսված պարզամեթոդը) և այլն:

Բնականաբար, նման բարձունքների կարելի է հասնել՝ ունենալով պատշաճ կրթություն: Այդ մասին խոսվեց Կրթության միջազգային օրվան նվիրված բաց դասին: Հրավիրված հյուրը Դիանա Գալստյանն էր՝ «Բոլշայա պերեմենա» համառու-



սաստանյան երիտասարդական մրցույթի կրկնակի հաղթողը, ներկայում տարածաշրջանային ծրագրերի համակարգողը: «Բոլշայա պերեմենա»-ն նաև նորարարական կրթական համակարգ է, որի առաքելությունն է բարենպաստ պայմաններ ստեղծել ակտիվ և նպատակասլաց աշակերտների գիտելիքների դրսևորման համար: Ի դեպ, ծրագրին մասնակցում են նաև ՀՀ քաղաքացի հանդիսացող աշակերտները, որոնք ևս ամրագրել են իրենց հաջողությունները:

Կրթված մարդը նաև ռազմիկ է իր երկրի համար, քանզի գիտակցում է, որ հայրենիքը բացարձակ արժեք է: Այդ մասին խոսվեց Հայոց բանակի օրվան և Վարդանանց տոնին նվիրված բաց դասերին:

Այդ ամենը ներկայացվեց հայ մեծամունտ գրողների պատմավեպերով, խոսվեց Դ. Դեմիրճյանի «Վարդանանց», Րաֆֆու «Սամվել» և Մուրացյանի «Գևորգ Մարգարեի» մոնումենտալ ստեղծագործությունների մասին, որոնք տարբեր ժամանակներում պահել են հայ ժողովրդի անկտորում ոգին:

Ամփոփելով մեր պատերի անցած ուղին և այն միահյուսելով նորարարական կրթական մոտեցումների հետ՝ «Վերածնունդ» դպրոցի ուսումնական կոլեկտիվը՝ դպրոցի տնօրեն մանկ. գիտ. թեկնածու Շողիկ Փաղևանյանի գլխավորությամբ, ջանք չի խնայում, որպեսզի հայրենիքից հեռու ապրող մոսկվայաբնակ աշակերտները լավ ճանաչեն սեփական պատմությունը, իմանան հերոսներին ու նրանց սիրագործությունները, գիտակցեն ու ապագայում ներդրեն իրենց հնարավորությունները ժամանակակից աշխարհում՝ ի բարօրություն մայր Հայաստանի:

«Վերածնունդ» հայկական կիրակնօրյա դպրոց Մոսկվա

Նոր գիրք



Հրատարակվել է Աննա Սարգսյանի «Մտավորականը Ջապել Եսայանի վիպագրության մեջ» մենագրությունը:

«Գիրքը նվիրված է 20-րդ դարի համարձակ և հայրենասեր կին գրող Ջապել Եսայանի վիպագրությանը, այնտեղ պատկերված մտավորական կերպարների նորոպի ուսումնասիրմանը: Սույն աշխատությանը ներկայացվում են վիպագրության մեջ արծարծված գեղարվեստական իրողությունների պատմական հիմքերը, Ջ. Եսայանի հայացքների ձևավորման և զարգացման ճանապարհը, ճշգրտվում են մտավորական-միջավայր փոխառնչությունների շուրջ գրողի դիտարկումները, տեսանելի դառնում հեղինակի ստեղծագործության մեջ ներկայացված հարցադրումների ու դիտարկումների արդիականությունը, նոր կողմերով է բացահայտվում Ջապել Եսայանը, նրա ներաշխարհն ու հայրենասեր մտավորականի նկարագիրը»,- ներկայացված է գրքում:

«Աննա Սարգսյանին հաջողվել է գրողի կենսագրական հանգրվանների կողքին որսակցել նաև թեմատիկ-գաղափարական շրջադարձերը, ինչը լավագույնս արտահայտվել է խորհրդային կարգերի հանդեպ վերաբերմունքի և երկվությունների սահմանների ճշգրտման խնդիրներում՝ բացահայտելով այն ներքին տառապանքը, որ ապրել է արվեստագետը և հատուցել ողբերգական իր մահով»,- «Երկու խոսք»-ի մեջ գրում է պրոֆեսոր Սուրեն Դանիելյանը:

Գիրքը նախատեսված է գրականագետների, գրականության տեսաբանների, ուսուցիչների, ուսանողների և ընթերցող լայն շրջանների համար:

Գիտական նոր հանդես՝ նվիրված պատմության ուսուցման հիմնախնդիրներին

Խ. Աբովյանի անվան ՀՊՄՀ պատմության և հասարակագիտության ֆակուլտետի խորհրդի որոշմամբ հրատարակվել է «Պատմության ուսուցման հիմնախնդիրներ» գիտական հանդեսի 1-ին համարը: Այսուհետև այն լույս կտեսնի տարին երկու անգամ պարբերականությամբ:

«Հետազոտությունը իրականացվել է Պատմության և հասարակագիտության ֆակուլտետում, Հայաստանում և Սփյուռքում պատմության ուսուցման հիմնախնդիրները հետազոտող գիտական կենտրոնի կողմից: Նպատակն է ստեղծել մի գիտական հարթակ, որտեղ կլինի գիտական դիսկուրս՝ կապված պատմության դասավանդման հիմնախնդիրների հետ: Մենք գիտենք, որ շատ արդիական խնդիր է, և ոչ միայն. պատմության բնագավառն ուսումնասիրելը մեր առաքելությունն է: Անկախությունից ի վեր շատ բաներ արված չէին (կային առեւտրային աշխատանքներ), և պետք էր մի հարթակ ունենալ, որտեղ ուսուցման խնդիրները կբարձրացվեին, կքննարկվեին, կտեղայնացվեին համաշխարհային փորձը»,- ասում է ֆակուլտետի ղեկավար Էդգար Հովհաննիսյանը: Նա միաժամանակ հավելում է, որ այն շրջային մի օղակն է, որ վերոհիշյալ թեմայով կազմակերպում են միջազգային գիտաժողովների շարք, որտեղ լավագույնս զեկուցումների մի մասը տպագրվում է այդ հանդեսում: Պետք է արձանագրել, որ պարբերականում ընդգրկված են արտասահմանյան հեղինակների հոդվածներ, և հետագայում տարբեր տեխնիկական ու բովանդակային խնդիրներ լուծելուց հետո կարելի է հավակնել հանրապետական շրջանակներն ընդլայնել՝ պարբերականը դարձնելու միջազգային մակարդակի:

Դեկանը վստահեցնում է՝ այդ իմաստով պարբերականի ստեղծումը կարևոր ձեռքբերում է և պետք է առաջիկայում ապահովել հանդեսի պարբերականությունը, նաև այն ընդգրկել ԲՈՎՀ-ի կողմից ընդունելի գիտական հանդեսների ցանկում:

«Մերօրյա ժամանակներով պայմանավորված՝ մեր հասարակության վերափոխման գործընթացում կարևոր է պատմության ճիշտ ընկալումը, որը մեծապես պայմանավորված է ճիշտ դասավանդմամբ: Քանի որ թե՛ մեթոդական, թե՛ գաղափարական առումով վերափոխվելու անհրաժեշտություն կա, նպատակահարմար համարեցինք պատմության դասավանդման հիմնախնդիրներին վերաբերող որևէ պարբերական հրատարակել, որը կարող է մեծապես օգտակար լինել ուղորտի ուսուցիչներին»,- ասում է հանդեսի գլխավոր խմբագիր, պատմական գիտությունների դոկտոր, պրոֆեսոր Խաչատուր Ստեփանյանը:



Խ. Ստեփանյանը փաստում է՝ ներկա հանդեսում հրատարակվել են դասավանդմանը վերաբերող թե՛ մեթոդաբանական, թե՛ գաղափարախոսական հիմնախնդիրներ: Հանդեսը ստեղծվել է Հայաստանում և Սփյուռքում պատմության ուսուցման հետազոտական կենտրոնի ծրագրի շրջանակներում:

Հանդեսի խմբագրական խորհրդում են ՀՊՄՀ ռեկտոր, հոգեբանական գիտությունների դոկտոր, պրոֆեսոր Արթուր Գևորգյանը (նախագահ), մանկավարժական գիտությունների թեկնածու, դոցենտ Մարիամ Իսախյանը, մանկավարժական գիտությունների թեկնածու, դոցենտ Մարիաննա Հարությունյանը, պատմական գիտությունների թեկնածու, դոցենտ Էդգար Հովհաննիսյանը, մանկավարժական գիտությունների դոկտոր, պրոֆեսոր Արմա Թովմազյանը, մանկավարժական գիտությունների թեկնածու, դոցենտ Հարություն Պապոյանը, մանկավարժական գիտությունների թեկնածու, դոցենտ Մարիամ Գաբրիելյանը, փիլիսոփայական գիտությունների դոկտոր Անդրանիկ Դաքեսյանը (Լիբանան), պատմական գիտությունների դոկտոր Խաչիկ Մուրադյանը (ԱՄՆ), պատմական գիտությունների դոկտոր Բալինտ Կովաչը (Հունգարիա), պատմական գիտությունների դոկտոր, պրոֆեսոր Իգոր Կրյուչկովը (ՌԴ):

Անդրանիկ համարում տպագրվել են Նաիրա Երկանյանի, Արմինե Եփրիկյանի, Խաչիկ Խամիսյանի, Աննա Թորոսյանի, Հովհաննես Խորիկյանի, Գագիկ Համբարյանի, Մարինե Կիրակոսյանի, Միքայել Մարտիրոսյանի, Հարություն Պապոյանի, Սեդա Քոչարյանի հոդվածները, որոնցում լայնորեն լուսաբանվել են պատմության ուսուցման ու դասավանդման արդի հիմնախնդիրները:



ՈՒՍԱՆՈՂՆԵՐԻ ՁՄԵՌԱՅԻՆ



ՀԱՆԳԻՍՏԸ ԱՂԱՎՆԱԶՈՐՈՒՄ



ՀՊՄՀ 10 ֆակուլտետներից 7-ական ուսանող, ընդհանուր առմամբ՝ 70 ուսանող, հնգօրյա ձմեռային հանգիստն անցկացրեց համալսարանի Աղավնաձորի հանգստի կենտրոնում: Հագեցած ծրագրով անցկացվող առօրյան ուսանողներին տալիս է ակտիվ ժամանակ և ուսումնառման շրջանակում հանդիպումներ, ասել է թե ուսանողները ակտիվ հանգիստը զուգարդում են ոչ ֆորմալ կրթությանը:

«Մեզ այցելության են գալիս տարբեր ոլորտների ներկայացուցիչներ, որոնք ուսանողներին են ներկայացնում իրենց մասնագիտությունների առանձնահատկություններն ու կիսուն փորձը», - ասում է Ռիտա Նախագահ Պարույր Գալստյանը:

հայտում են տաղանդավոր ուսանողների, միմյանց հետ շփումներում ուսանողները ձեռք են բերում նոր ընկերներ:

Ուսանողական խորհրդի նախագահը հանդիպումներ է ունենում յուրաքանչյուր ֆակուլտետից ընտրված ուսանողների հետ, լսում նրանց առաջարկությունները, որոնք օգնում են տարեցտարի առավել հետաքրքիր դարձնել ձմեռային հանգստի կազմակերպման ծրագիրը:

Փետրվարի 3-ին Աղավնաձորում հանգստացող ուսանողներին այցելեց ՀՊՄՀ Աշխատակազմի և միջազգային համագործակցության գծով պրոռեկտոր Մարիաննա Հարությունյանը: Ակտիվ երկխոսության ընթացքում ուսանողները



յացնում էին կինոյի վերաբերյալ մեր գիտելիքները: Պետք է ասել, որ բոլորը մասնակցում էին, թե՛ մրցակցությամբ անցավ, հետաքրքիր էր: Իսկ երեկոյան պարում ենք, սեղանի խաղեր խաղում...», - ասաց Սիմոնը:

«Մեր հնարավորության սահմաններում ամեն ինչ անում ենք, որպեսզի դուք լավ ճանաչեք միմյանց և ինքներդ ձեզ», - ուսանողների հետ հանդիպման ասաց պրոռեկտորը:

Ուսանողների հարցերը վերաբերում էին կրթության մերօրյա մարտահրավերներին, բուհի կողմից միջազգային ծրագրերի իրականացմանը, ուսանողների համար Աղաղեմիական քաղաքի ռիսկերին, մարզերի բուհերի ճակատագրին, ուսումնական գործընթացի կազմակերպմանը, նորագույն տեխնոլոգիաների սղությանը, կրթության համատեքստում «հայրենասիրություն» հասկացության արմատավորմանը:

մարտահրավերը 21-րդ դարի հմտություններն են, որոնց պետք է տիրապետել, պետք է փոխել կրթական համակարգը, բարձրացնել ուսուցչի արժեքները, և դա ամենուր է այս սերունդը:

Ուսանողների հարցերին պատասխանելիս պրոռեկտորը խոսեց միջֆակուլտետային նախագծերի իրականացման անհրաժեշտության, ակադեմիական քաղաքի հնարավոր ռիսկերի, գործող օրենքների շրջանակում բուհական առարկայական ծրագրերի նորացման, լոգոպեդների պրակտիկաների և այլ խնդիրների շուրջ:

Ուսումնական գործընթացներին վերաբերող հարցերին պատասխանեց նաև համալսարանի կրթական գործընթացների կառավարման և բարեփոխումների վարչության պետ Սամվել Ասատրյանը:

Պրոռեկտոր Մարիաննա Հարությունյանը վստահեցրեց՝ մտածողության փոփոխություն է պետք, դուք ձեր օրինակով պետք է կոտրեք կարծրատիպերը, ապա ամփոփեց՝ ուսուցիչն այսօր ամենակարևոր մարդն է, նա կրթում է սերունդներ, և մանկավարժները, անկախ մասնագիտությունից, պետք է իրենց ամենօրյա աշխատանքով հայրենասիրության օրինակներ տան:



Աղավնաձորում հանգստանում են բարձր առաջադիմությամբ և հասարակական ակտիվությամբ աչքի ընկնող, նաև պատերազմին մասնակցած ուսանողները: Հետաքրքիր առօրյան ոգեշնչում է հանգստացող ուսանողներին, բուհի ուսանողական ակտիվն էլ հոգում է, որ նրանց առօրյան հավուր պատշաճի կազմակերպվի:

Ուսանողները հանդիպումներ են ունեցել էթիկայի դպրոցի տնօրեն Գևորգ Մկրտչյանի, ծանրամարտի աշխարհի չենպիտո Նազիկ Ավդալյանի, «Դասավանդիր Հայաստան»-ի ներկայացուցիչների, բուհի արհմիութենական կազմակերպության ղեկավար Էդիկ Գուլյանի հետ: Ինտելեկտուալ և մարզական խաղերը փոխլրացնում են միմյանց՝ ակտիվ ժամանցը դարձնում առավել հետաքրքիր:

Պարույր Գալստյանը փաստում է՝ հանգիստը նաև ճանաչողական է, բացա-

բարձրացրին ուսումնական գործընթացին վերաբերող հարցեր և ստացան սպառիչ պատասխաններ:

Կուլտուրայի ֆակուլտետի լրագրության բաժնի 3-րդ կուրսի ուսանող Սիմոն Հովհաննիսյանն առաջին անգամ է այստեղ: Փորձում է լրագրողի աչքերով չնայել. բավականին գոհ է, ասում է՝ հագեցած օրեր են անցկացնում ժամանցային, իտելեկտուալ և այլ մրցույթներով, հետաքրքիր հանդիպումներով ու քննարկումներով: Ազատ ժամանակն էլ օգտագործում են իրար հետ շփվելու, իրար ավելի լավ ճանաչելու համար, ինչը շատ կարևոր է ուսանողական հարաբերություններում: Իրարից հեռու գտնվող համալսարանական մասնաշենքերում ուսանելը երբեմն այդ հնարավորությունը չի տալիս:

«Ուսանողները շատ ակտիվ են: Օրինակ, քիչ առաջ կինոյին նվիրված ինտելեկտուալ խաղ-մրցույթ էր, ուր ներկա-



Սիլվա ԱՍՐՅԱՆ



Հայաստանի առաջին դրամների օրինակները և Ֆարսկան ժամանակների դրամապեղծումը (1917 թ.)

Սկիզբը նախորդ համարում



III դարի կեսերից Հայաստանում սկսում են շրջանառվել Սասանյան Իրանի, իսկ V դարի վերջից՝ նաև Բյուզանդական կայսրության դրամները: Շապուհ 1-ի շրջանի մետաղադրամ:

VII դարի երկրորդ կեսին Արաբական խալիֆայության կողմից Հայաստանի նվաճումից հետո դրամաշրջանառությունը Հայաստանում կատարվել է Օմայանների տոհմի, իսկ ավելի ուշ՝ Աբբասյանների դրամներով: Արաբական խալիֆայության դրամներից Հայաստանում շրջանառվել են արծաթե դիրհեմներ, պղնձե ֆելսեր և, շատ սահմանափակ քանակով, ոսկե դինարներ:

X դարի վերջից արաբական արծաթե դիրհեմներին փոխարինում են բյուզանդական ոսկե դրամները և պղնձե ֆոլիսները, որոնք տարածաշրջանում կատարում էին հիմնական դրամական



Սալահ ադ Դիմը՝ պատկերված դիրհեմ մետաղադրամի վրա, մոտ 1190 թվական:

միավորի դեր: XI-XII դարերում շրջանառության մեջ սկսում են թափանցել նաև սելջուկյան և այլ տեղական մահմեդական տիրակալների մետաղադրամները:

Բագրատունյաց թագավորության ժամանակաշրջանում (885-1045 թթ.) դրամներ չեն հասվել, սակայն Տաշիր-Չորագետի փոքրիկ թագավորությու-



Նկ. 10. Տաշիր-Չորագետի հայկական թագավորություն, Կյուրիկե Բ, 1048-1089 թթ., պղնձե դրամ

նում, որտեղ իշխում էր Բագրատունիների ժյուղերից մեկը, Կյուրիկե Բ արքայի օրոք (1048-1089 թթ.) թողարկվել են պղնձե դրամներ՝ բյուզանդական պղնձե ֆոլիսների նմանությամբ, բայց հայ թագավորի անվան հիշատակությամբ: Սրանք մեզ հայտնի առաջին հայատառ դրամներն են:

Դիմերես՝ Քրիստոսի կիսանդրին՝ ավետարանը ձեռքին, հայերեն մակագրություն՝ ՅՍ-ԲՍ (Հիսուս Քրիստոս):

Դարձերես՝ հայերեն մակագրություն՝ «+ՏՐ ՕԳՆԷ ԿՈՐԻԿԵԻ ԿՈՐԱՊԱՂԱՏԻՆ» (Տեր օգնիր Կյուրիկե Կյուրոպաղատին):

XI դարի վերջին Կիլիկիայում հիմնվեց Հայոց պետություն, որը գոյատևեց շուրջ երեք հարյուր տարի (1080-1375 թթ.): Իշխանապետության շրջանում (1080-1198 թթ.) Ռուբինյան իշխաններից ոմանք թողարկել են պղնձե դրամներ, որոնք կրում էին խաչակրաց դրամների պատկերագրության ազդեցությունը, բայց ունեին

հայերեն գրություններ: Թագավորության շրջանում (1198-1375 թթ.), արքա



Նկ. 11. Կիլիկիայի հայոց թագավորություն, Լևոն Ա, 1198-1219 թթ., արծաթե դրամ



Կիլիկիայի հայոց թագավորություն, Լևոն Ա, արծաթե դրամ

Լևոն Ա-ից (1198-1219 թթ.) սկսած, առատորեն թողարկվել են արծաթե և պղնձե, երբեմն՝ բիլոնե (արծաթի ցածր պարունակությամբ համաձուլվածք) դրամներ:

Արծաթե դրամները կոչվել են «դրամ», «թագավորին», իսկ պղնձե դրամները՝ «դանգ», «քարտեզ», «փող»: Կիլիկյան դրամները բնորոշվում են հայկական, եվրոպական և արևելյան տարրերից հյուսված ինքնատիպ պատկերագրությամբ և հայերեն գրություններով: Դրանք բոլորը խաչազարդ են:

Դիմերես՝ Լևոն Ա թագավորը առյուծազարդ գահին նստած, հայերեն մակագրություն՝ «+ԼԵԻՈՆ ԹԱԳԱՒՈՐ ՀԱՅՅ» (Լևոն թագավոր հայոց):

Դարձերես՝ խաչ երկու առյուծների միջև. հայերեն մակագրություն՝ «+ԿԱՐՈՂՈՒԹԲՆ ԱՍՏՈՑՈՅ» (Կարողությամբ Աստծո):

XIII դարի սկզբից Հայաստանի հյուսիսում և արևելքում շրջանառվել են



Գրված է Լևոն թագավոր ամենյան Հայոց: Կարողութեմա Աստծոյ:

վրաց թագավորների, հիմնականում՝ Թամար թագուհու, պղնձե դրամները:

XIII դարի կեսից սկսած՝ Հայաստանի դրամաշրջանառության մեջ գերիշխող են դառնում մոնղոլական տիրակալների դրամները՝ արծաթե դիրհեմներն ու սակավաթիվ պղնձե ֆելսերը: Հետագայում դրամական գործարքները Հայաստանում սպասարկվում էին տեղական մահմեդական տոհմերի դրամներով:

XVI դարից մինչև 1820-ական թթ. Հայաստանի արևելյան մասում դրամաշրջանառությունը կատարվել է հիմնականում իրանական շահերի դրամներով: Ինչպես Իրանի բազմաթիվ քաղաքներում, XVI-XVIII դարերում Երևանում նույնպես թողարկվել են պղնձե, արծաթե և ոսկե դրամներ:

1828 թ. Արևելյան Հայաստանը Ռուսական կայսրության կազմում ընդգրկվելուց հետո Հայաստանում շրջանառության մեջ են մտնում ռուսական ոսկե, արծաթե և պղնձե դրամական թողարկումները: Առաջին անգամ սկսում են շրջանառվել Ռուսական կայսրության թղթադրամները, իսկ փետրվարյան հեղափոխությունից հետո (1917 թ.)՝ նաև Ռուսաստանի ժամանակավոր կառավարության թողարկումները:

Արամ ՀԱՍՔԱՐՅԱՆ
Արվեստագիտության թեկնածու
Արվեստի պատմության, տեսության և մշակութաբանության
ամբիոնի դոցենտ

Հայ պարարվեստի թանգարանում

«Մխիթար Սեբաստացի» կրթահամալիրի 7-9-րդ դասարանի աշակերտները Մանկավարժական համալսարանում էին: Այցի նպատակն էր ծանոթանալ Կուլտուրայի ֆակուլտետի Պարարվեստի մանկավարժության և նրա դասավանդման մեթոդիկայի ամբիոնի նախասրահում տեղակայված Հայ պարարվեստի պատմության բացառիկ թանգարանին:

Ամբիոնի դասախոսներ Տարսիկ Լիկոյանը, Թագուհի Չաքարյանն ու Արևիկ Գյուլումյանն աշակերտներին ներկայացրին թանգարանի 4 սրահում ցուցադրված պարարվեստի, հնագիտության և տարազագիտության պատմությունը: Այցելուները դիտեցին պարային ծիսական արարողություններին վերաբերող իրերը, ծանոթացան նյութերի, թանգարանային նմուշների՝ նախաքրիստոնեական շրջանից մինչև մեր օրեր:

Ելնելով Հայ պարարվեստի պատմության թանգարանը յուրատեսակ է իր բովանդակությամբ և նշանակությամբ, միակն է Հայաստանում:

Կատարված հսկայածավալ պատմագիտական, հնագիտական, տարազագիտական և պարագիտական աշխատանքները միտված են բարձրացնելու պարարվեստով զբաղվողների կրթական մակարդակը, հարստացնելու նրանց ձանաչողական գիտելիքներն ու ընդլայնելու պարագիտական ուսումնասիրությունները, ինչն էլ փաստեցին թանգարանի կրտսեր այցելուները:



Գրանցման վկայական՝ 01U00184 տրված է 26.03.2008 թ.
Հասցեն՝ Տիգրան Մեծի 17, հեռ. 59-70-97:
Էլ. փոստ՝ Newspaperaspu.am, asryansilva@gmail.com
Ծավալը՝ 2 տպ. մամուլ

Թերթի նյութերի արտատպումներն առանց
խմբագրության համաձայնության արգելվում է:
Հղումը պարտադիր է:
Թերթը կարող էք կարդալ ՀՊՄՀ կայքում՝
www.aspu.am

Գլխավոր խմբագիր՝
Սիլվա ԱՄՐՅԱՆ
Բանասիրական գիտությունների թեկնածու
Էջաղրումը՝ Պետրոս ՎԱՐԴԱՆՅԱՆԻ